

Вольбы до Народной рады Словацкой републики

Інформації про воліча

I

Датум і час реалізації волеб

Вольбы до Народной рады Словацкой републики будуть
в субботу 30. 9. 2023 од 7:00 до 22:00 г.

II

Право волити

Право волити до Народной рады Словацкой републики мае обчан Словацкой републики, котрый найпізніше в день волеб досяг вік 18 років.

Право волити є в конфлікті зо законным окліщінём особой слободы на основі охрани верейного здравя, кедь особітний закон в часі пандемії не встановить інакше.

III

Право быти воленым

За посланця Народной рады Словацкой републики може быти зволений обчан Словацкой републики, котрый найпізніше в день волеб досяг вік 21 років і мае місто стабільного бываня на території Словацкой републики.

Право быти воленым є в конфлікті зо:

- заарештованём,
- праволатным одсуджінём за напланованый кримінальний чін, погы одсуджіня не было загладжене,
- однятём способности робити правны діла.

IV

Способ вольбы

Воліч може волити на території Словацкой републики

- у волебнім раєні, де є записаный до списку волічів, або
- в будькотрім волебнім раєні посередництвом легітімації на голосованя.

Воліч може волити мімо території Словацкой републики поштов, кедь

- не мае місто стабільного бываня на території Словацкой републики і був на основі жадости записаный до особітного списку волічів,
- мае місто стабільного бываня на території Словацкой републики а в часі волеб ся стримує мімо ей території і був на основі жадости записаный до особітного списку волічів.

V

Легітімація на голосованя

Воліч, котрый стабільно быває на території Словацькой републіки а в день волеб не буде мочи волити в місті свого стабільного бываня у волебнім раєні, де є записаний до списку волічів, може жадати од **села/міста свого стабільного бываня** легітімацію на голосованя. Село/місто на пожаданя выставить найскорше 45 днів перед днём волеб (т. є найскорше 16. 8. 2023) волічови легітімацію на голосованя і вычаркне го із списку волічів з позначков, же му выдало легітімацію на голосованя.

Легітімація на голосованя дає право на записаня до списку волічів в будькотрім волебнім раєні.

Близшы інформації о можности выданя легітімації на голосованя суть на вебовім сайті Міністерства внутра Словацькой републіки www.minv.sk/?nr23-preukaz

VI

Вольба поштов

Воліч, котрый не має місто стабільного бываня на території Словацькой републіки і воліч, котрый має місто стабільного бываня на території Словацькой републіки а в часі волеб ся стримує мімо ей території, може жадати найпізніше 52 дні перед днём волеб (т. є найпізніше 9. 8. 2023) Міністерство внутра Словацькой републіки о вольбу поштов, а то електронічно (посередництвом служб інформачной сістемы про вольбу поштов, або посередництвом центрального порталу верейной справы) або в листинній подобі.

Близшы інформації о вольбі поштов суть публікованы на вебовім сайті Міністерства внутра Словацькой републіки www.minv.sk/?nr23-posta

* * *

Інформації к вольбам до Народной рады Словацькой републіки суть публікованы на вебовім сайті Міністерства внутра Словацькой републіки

www.minv.sk/?volby-nrsr